



JABATAN PERKHIDMATAN VETERINAR

LAPORAN PEMANTAUAN MEDIA

14 Januari 2026 (RABU)

Pastikan tiada bau babi - Penduduk

MEDIA	RUANGAN	MUKA SURAT	TARIKH
Kosmo	Negara	1 & 3	14 Jan

Pastikan tiada bau babi – Penduduk

Oleh MUHAMMAD NAJIEB AHMAD FUAD

HULU SELANGOR – Kerajaan Selangor perlu memberi jaminan bertulis bahawa pemindahan ladang ternakan babi dari Kuala Langat dan Sepang ke Bukit Tagar di sini, tidak akan mengakibatkan pencemaran najis, bau busuk atau menjejaskan sumber air sungai.

Itu desakan penduduk yang

tinggal berhampiran Bukit Tagar termasuk di Felda Sungai Tenggi Selatan, Felda Soeharto dan Ladang Nigel Gardner ketika ditemui *Kosmo!* semalam.

Mereka bimbang kesan jangka panjang ternakan babi berskala besar terhadap alam sekitar, kesihatan awam dan kualiti hidup komuniti setempat sekiranya sistem pengurusan sisa gagal dikawal dengan berkesan.

Seorang penduduk, T. Thepen

raj, 25, berkata, dia yang membesar di Ladang Nigel Gardner sejak kecil tidak mahu pengalaman berdepan bau busuk dan serangan lalat dari ladang ternakan ayam berulang.

"Ladang ayam pun sudah cukup kuat mengeluarkan bau walaupun ada sistem terutama apabila cuaca panas dengan angin kuat. Lalat pun banyak.

»BERITA LANJUT DI MUKA 3



SEBUAH fasaliti penternakan babi berteknologi moden bagi mengekang pencemaran alam sekitar akan dibina di kawasan Bukit Tagar, Hulu Selangor. SHIDDEQIIN ZON

Pastikan tiada bau babi – Penduduk

DARI MUKA 1

"Kalau ladang babi pula dibuka, kami risau air kotor akan mengalir masuk ke Sungai Selangor. Apabila sungai tercemar, penyakit pun boleh merebak," katanya.

Penduduk Felda Sungai Tenggi Selatan, Muhammad Sahar Romazi, 28, berkata, komuniti di situ secara terbuka menyatakan bantahan kerana cadangan itu disifatkan tidak selari dengan identiti dan sensitiviti penduduk setempat.

Katanya, kawasan berkenaan didiami hampir majoriti masyarakat Melayu selain dikelilingi penempatan lama, kawasan Felda dan ladang pertanian.

"Sejak kecil saya tinggal di sini, tak pernah dalam sejarah kawasan berhampiran felda ada ternakan babi. Di kampung kami, lebih 99 peratus pen-



duduk Melayu dan melebihi 200 buah keluarga.

"Isu ini telah kecoh sejak semalam (kelmarin). Ramai yang mendakwa pencemaran bukan sekadar bau, tetapi risiko penyakit lain. Bagi kami orang Islam, ia sangat sensitif.

"Beri satu jaminan kepada kami yang ladang babi ini tidak akan menyebabkan pencemaran," katanya yang bekerja sebagai pengawal keselamatan di sebuah syarikat pelupusan.

Penduduk Felda Soeharto, Muhammad Firdaus Azmi, 38, pula terkejut apabila dimaklumkan kawasan berhampiran tempat tinggalnya dikenal pasti sebagai ladang berpusat moden ternakan babi.

"Saya dan keluarga sudah tinggal di sini sejak awal 1980-an. Apabila dengar berita ini, memang terkejut," katanya.

Justeru, rata-rata penduduk berharap kerajaan negeri dapat segera memberi penjelasan terperinci mengenai cadangan projek ternakan babi itu.

Selain itu, proses perbincangan dengan penduduk juga penting bagi memastikan sebarang keputusan dibuat tanpa menjejaskan kesejahteraan ko-

muniti setempat.

Semalam *Kosmo!* melaporkan, kesemua 115 ladang ternakan babi di Kuala Langat dan Sepang, melibatkan 100,000 ekor babi akan ditutup dan dipindahkan ke ladang berpusat moden di Bukit Tagar secara berperingkat.

Operasi pemindahan ternakan babi sepenuhnya ke sebuah kawasan ladang sawit seluas 202 hektar itu akan disegerakan tahun ini.

Exco Infrastruktur dan Pertanian Selangor, Datuk Ir. Izham Hashim dilaporkan berkata, Bukit Tagar dikenal pasti satu-satunya lokasi baharu bagi ternakan itu di Selangor dengan syarat ketat termasuk zon penampungan luas, sistem tertutup dan kaedah zero discharge.

Lokasi di tanah milik persendirian itu terletak di kawasan jauh dari lokaliti penduduk dan sungai.

Kajian EIA, SIA jadi keutamaan dalam pindahan ladang ternakan babi: Amirudin

MEDIA	RUANGAN	MUKA SURAT	TARIKH
Utusan Borneo	-	Dalam Talian	14 Jan

Kajian EIA, SIA jadi keutamaan dalam pemindahan ladang ternakan babi: Amirudin



Gambar hiasan

SHAH ALAM: Kerajaan Negeri Selangor akan menjadikan Penilaian Impak Alam Sekitar (EIA) dan Penilaian Impak Sosial (SIA) sebagai keutamaan dalam operasi penternakan babi yang bakal dipindahkan segera ke Bukit Tagar, Hulu Selangor.

Menteri Besar Datuk Seri Amirudin Shari berkata sebarang tapak pemindahan tetap perlu melalui proses EIA serta penilaian sistem kumbahan bagi memastikan ia tidak menjejaskan sungai dan kawasan persekitaran.

“Kita mahu pastikan sistem kumbahan itu boleh berdiri sendiri tidak dilepaskan ke sungai dan tidak memberi risiko kepada alam sekitar,” katanya kepada pemberita selepas menyampaikan Watikah Pelantikan Pengerusi Panel Penasihat Pusat Sebaran Maklumat Nasional (NADI) Selangor dan Kuala Lumpur, di sini hari ini.

Beliau berkata demikian ketika diminta mengulas mengenai titah Sultan Selangor Sultan Sharafuddin Idris Shah supaya aktiviti penternakan babi di kawasan Tanjong Sepat, Kuala Langat dihentikan secara beransur-ansur dan operasinya dipindahkan ke Bukit Tagar mengikut perancangan serta mematuhi semua keperluan perundangan dan peraturan berkaitan.

Amirudin berkata kerajaan negeri menjunjung titah Sultan Selangor untuk mempercepatkan proses penutupan penternakan tradisional yang tercemar, walaupun perancangan awal melibatkan tempoh pemindahan selama tiga tahun.

“Titah Tuanku jelas, tidak mahu konsep mega atau eksport, sebaliknya menumpukan kepada penutupan operasi yang mencemar dan memenuhi keperluan tempatan sahaja. Insya-Allah kita akan laksanakan dengan segera dan sebaik mungkin.

“Setakat ini, kita telah mengenal pasti 69 pengusaha yang masih aktif. Lesen selebihnya telah pun ditarik balik sebelum ini dan kita akan mengeluarkan mereka secepat mungkin kerana selagi kawasan itu tidak ditutup, selagi itulah pencemaran daripada penternakan tradisional berterusan. Sebab itu langkah awal kita adalah menamatkan pengurusan tradisional dan beralih kepada penternakan moden,” katanya.

Dalam pada itu, beliau memaklumkan data awal daripada Jabatan Veterinar menunjukkan jumlah ternakan sedia ada dianggarkan 100,000 hingga 120,000 ekor, yang hanya memenuhi kira-kira 30 peratus keperluan tempatan.

“Tuanku menitahkan supaya kajian lebih terperinci dibuat dan kita akan melantik badan bebas untuk menilai keperluan sebenar, termasuk permintaan pasaran,” katanya yang turut menjelaskan operasi ladang tersebut tidak akan diperluaskan atau dibesarkan dan hanya bertujuan memenuhi keperluan tempatan.

Selangor prioritises EIA and SIA for pig farm relocation to Bukit Tagar

MEDIA	RUANGAN	MUKA SURAT	TARIKH
The Sun	-	Dalam Talian	14 Jan

Selangor prioritises EIA and SIA for pig farm relocation to Bukit Tagar

Tuesday, 13 Jan 2026, 5:09 pm



- BERNAMA

SHAH ALAM: The Selangor state government will prioritise Environmental Impact Assessment (EIA) and Social Impact Assessment (SIA) in the relocation of pig farming operations to Bukit Tagar, Hulu Selangor.

Menteri Besar Datuk Seri Amirudin Shari (*pic*) said any permanent relocation site must undergo a rigorous EIA and sewerage system evaluation. He stated this is to ensure rivers and the surrounding environment are not affected.

“We want to ensure the sewerage system is self-contained, does not discharge into rivers and poses no environmental risk,” he told reporters after presenting appointment letters to the Selangor and Kuala Lumpur National Information Dissemination Centre (NADI) Advisory Panel chairmen.

He was commenting on the Sultan Sharafuddin Idris Shah of Selangor’s order to phase out pig farming in Tanjong Sepat, Kuala Langat. The operations are to be relocated fully to Bukit Tagar in compliance with legal requirements.

Amirudin said the state government upholds the Sultan’s decree to expedite the closure of polluted traditional farms. This is despite the initial plan for a three-year transition period.

“To date, we have identified 69 active operators. The licenses of others were previously revoked and we will move them out soon,” he said.

“As long as those areas are not closed, pollution from traditional farming will persist and as such, our initial step is to end traditional management and transition to modern farming.”

According to data from the Department of Veterinary Services, the current livestock population is estimated at 100,000 to 120,000. This meets only about 30% of local demand.

Amirudin said an independent body will be appointed to conduct a detailed study of market demand and actual needs. He clarified that the farms will not be expanded and will serve only the local market.

On a separate matter, Amirudin said the state government has taken note of the Sultan’s decree on glamping activities in Hulu Langat. He clarified that the ban only targets activities with deviant themes that contradict societal values.

“Glamping as a normal family activity is not an issue. The problem lies with the theme, not the activity itself,” he said.

He added that the police and the Selangor Islamic Religious Department (JAIS) will monitor the situation. They will take firm action against any violations.

SSL daging lembu perlu keutamaan berbanding ternakan babi

MEDIA	RUANGAN	MUKA SURAT	TARIKH
Sinar Harian	-	Dalam Talian	14 Jan

SSL daging lembu perlu keutamaan berbanding ternakan babi

Summarize

SAIFULLAH AHMAD
13 Januari 2026 03:10pm
Masa membaca: 3 minit



IPOH – Usaha meningkatkan kadar sara diri (SSL) daging lembu di negara ini wajar diberi keutamaan oleh kerajaan dengan memperluaskan kawasan penternakan lembu berbanding ternakan babi yang kini didakwa telah melebihi keperluan domestik.

Seorang penternak, Mohd Hashim Ayub berkata, ketika ini Malaysia masih bergantung kepada import lembu dari Thailand bagi memenuhi permintaan dalam negara, berbeza dengan ternakan babi yang sebahagiannya dieksporth ke luar negara.

Menurutnya, walaupun eksport babi memberi pulangan ekonomi kepada negara, keperluan daging lembu untuk pasaran tempatan tidak boleh dikesampingkan.

“Setiap perkara ada pro dan kontra. Eksport babi menjana pendapatan, namun pada masa sama kita terpaksa mengimport lembu bagi memastikan bekalan daging dalam negara mencukupi.

“Jika kerajaan memberi tumpuan kepada penternakan lembu sehingga tahap SSL dapat dicapai, ia bukan sahaja menjamin bekalan makanan, malah mampu menjimatkan perbelanjaan negara kerana tidak lagi bergantung kepada import,” katanya kepada Sinar Harian, pada Selasa.

Mohd Hashim turut menyedari beberapa usaha ke arah meningkatkan pengeluaran ternakan lembu kini sedang dilaksanakan kerajaan, termasuk program pembiakan baka, pengimportan lembu serta pelaksanaan skim fidlot.

Menurutnya, inisiatif tersebut merupakan langkah yang baik namun perlu dilaksanakan secara serius dan melibatkan pemain industri berpengalaman bagi memastikan keberkesannya.

“Faktor paling penting ialah modal insan. Tanpa tenaga kerja mahir dan berpengetahuan, saya bimbang sasaran yang ditetapkan tidak akan tercapai kerana penternakan lembu bukan sesuatu yang mudah.

“Kita juga perlu berhati-hati agar perancangan dibuat secara seimbang bagi mengelakkan lambakan yang boleh menjejaskan kestabilan harga,” katanya yang telah berkecimpung dalam industri tersebut sejak lebih 30 tahun lalu.

Dalam pada itu, beliau turut mencadangkan agar kerajaan memberi perhatian kepada subsidi makanan ternakan memandangkan kira-kira 70 peratus kos penternakan lembu melibatkan perbelanjaan makanan.

Katanya, jika isu kos ini dapat ditangani, penternak tempatan mampu meningkatkan pengeluaran sekali gus memastikan rakyat menikmati daging pada harga berpatutan tanpa perlu bergantung kepada import.

Sebelum ini, Ketua Setiausaha Kementerian Pertanian dan Keterjaminan Makanan (KPKM), Datuk Seri Isham Ishak memaklumkan bahawa Malaysia memerlukan lebih tiga juta ekor lembu menjelang 2030 bagi memenuhi keperluan bekalan daging dan tenusu domestik.

Beliau berkata, pembangunan industri ruminan negara menjadi antara fokus utama KPKM dalam perancangan jangka panjang untuk memperkukuh sektor agromakanan melalui penerapan teknologi moden seperti kecerdasan buatan (AI) dan dron bagi meningkatkan produktiviti sektor itu.

TERIMA KASIH

DISEDIAKAN OLEH:

UNIT KOMUNIKASI KORPORAT
JABATAN PERKHIDMATAN VETERINAR